



ОРТАЛЫҚ ҚАЗАҚСТАН

ҚАЗДАУЫСТЫ ҚАЗЫБЕК БИ: СӨЗДІҢ АТАСЫ – БІРЛІК, АНАСЫ – ШЫНДЫҚ
ҚАРАҒАНДЫ ОБЛЫСТЫҚ ҚОҒАМДЫҚ - САЯСИ ГАЗЕТИ

www.ortalyq.kz www.instagram.com/ortalyq.kz/

БЕЙСЕНБІ, 21 ҚАРАША, 2024 ЖЫЛ №131 (23 453)

www.facebook.com/ortalyq.kz/ info@ortalyq.kz

• ГАЗДАНДЫРУ

Қауіпсіз құрылғы орнатылды

Қарағандыда әлеуметтік осал санаттағы тұрғындардың – көпбалалы отбасылардың, мүмкіндігі шектеулі жандардың, Ұлы Отан соғысы ардагерлерінің және басқалардың үйлеріне 1838 улы газ қондырғылары тегін орнатылды.

Аяулым СОВЕТ, «Ortalyq Qazaqstan»

– Заманауи құрылғылар ықшам, батареялармен жұмыс істейді және қабырғаға немесе төбеге оңай бекітіледі. Бұл құрылғылар ауадағы ылғалдылық жоғарылауын тіркеп, белгі беріп, бөлмеден шығуға және уланудың алдын алуға мүмкіндік береді. Бұл, әсіресе, түнде адамдар ұйықтап жатқанда және улану белгілерін байқамаған кезде өте маңызды.

Компиртегі тотығының төмен дозалары да бас ауруын, бас айналуы және жүрек айнуын тудыруы мүмкін, ал, жоғары дозалары ауыр улану мен өлімге әкелуі мүмкін. Датчиктерді орнату арқылы әркім өзін ғана емес, жақындарына да қамқорлық жасай алады, – деп атап өтті қала әкімдігінің баспасөз қызметі.

Алдағы уақытта Қарағандыдағы жеке үйлерде осындай мынаға жуық датчик орнату жоспарлануда.

Өйткені, орнатылған құрылғылар жұртшылықтың қауіпсіздігін толық қамтамасыз етуге жеткілікті. Бұл бағыттағы жұмыстар алдағы уақытта жалғасын табады. Сақтансақ – сақтайтыным ұмытпайық!

• БАСПАСӨЗ – 2024

Газет – әр шаңырақтың тағылым терезесі

Қадірлі жамағат! Аймағымыздың рухани өмірінің айнасы саналатын «Ortalyq Qazaqstan» газеті арқайсымызға ой мен сананы жаңғыртатын өзекті ақпарат жеткізіп, қоғамдағы маңызды мәселелерге зер салуға жол ашады. Бұл басылым уақыттың талабына сай жаңашылдықпен дамып, ұлттық дүниетанымды насихаттауға зор үлес қосуда. Біздің асыл дініміз Ислам – білім мен парасатты жоғары бағалайтын, адамзатқа рухани бағыт-бағдар беретін ұлы сенім жолы. Осы газет арқылы рухани игілігімізді дәріптеп, елдік мүд-



дені де бірге қолдап келеміз. Ендігіде «Ortalyq Qazaqstan» газетіне жазылу бұрынғыдан да оңай болды! Қазіргі заманғы озық технологиялар арқасында Сіз басылымға Kaspi QR арқылы әп-сәтте жазыла аласыз. Осы әдіс уақытты үнемдеп, әрбір оқырманға қолайлы жағдай жасайды. Бұл ынтымақтастық әрекетіңізбен сіз қоғамымыздың ақпараттық сауаттылығын арттырып, еліміздегі рухани тұрақтылық пен бірлікті нығайтуға атсалысасыз.

Мың жерден техника дамыса да, газеттің жөні бөлек екені сөзсіз. Сондықтан, мен газет оқуды

күнделікті әдетке айналдырдым. Аймақтың басты жаңалықтарын қалт жібермей оқып отырамын.

Газет – әрбір үйдің тағылым терезесі. Сол терезеден айшықты әлемнің жаңалығын, еліміздің жетістігін, мұнымен қатар, рухани ілімді бірге игерейік. Құрметті оқырман, діліміздегі жаңғыруымызды қолдап, игі істерімізді басылым арқылы біріктірейік!

Естай ӘБДІҒАЛИ,
Қарағанды облысының бас имамы

• РЕСМИ

Декларацияны кім тапсырмайды?

Қаржы министрлігі кейбір қазақстандықтар үшін декларация тапсыру міндетін сақтап қалуды ұсынды. Алдағы уақытта азаматтар өз еркімен активтер мен міндеттемелер туралы декларация тапсыра алады.

Аяулым СОВЕТ, «Ortalyq Qazaqstan»

Министрлік шетелде активтері бар тұлғаларға, сайланбалы қызметке үміткерлерге, мемлекеттік қызметке орналасатындарға және оларға тенеітірілгендерге, сондай-ақ, банктердің, бағалы қағаздар нарығының, сақтандыру ұйымдарының ірі қатысушысы болуды қалаған адамдар үшін активтер мен міндеттемелер туралы декларацияны (250.00 нысаны) тапсыру міндетін сақтап қалуды ұсынды.

Қаржы министрлігінің хабарламасында «Мемлекеттік қызметкерлер, квазимемлекеттік және жеке компаниялардың басшылары, құрылтайшылары (оның ішінде 25 пайыз және одан көп акция иелері), олардың жұбайлары, сондай-ақ, Қазақстан Республикасынан тыс жерде активтері бар және (немесе) өз бетімен салық салынатын табыс алған тұлғалар үшін жыл сайынғы кірістер мен мүлік туралы декларацияны (270.00 нысаны) тапсыру міндеті сақталды» делінген.

Сондай-ақ, құны 20 000 АЕК-тен (74 миллион теңге) асатын ірі сатып алулар жасаған адамдарды да декларация тапсыруға міндеттеу ұсынылған.

Айта кеткен жөн, бұған дейін Үкімет Қазақстандағы жалпыға ортақ декларациялау туралы маңызды мәлімдеме жасаған. 2025 жылғы декларация тапсыруы тиіс 8 миллион адамды Қаржы министрі активтер мен міндеттемелер туралы декларацияны тапсыру міндетінен босатуды ұсынаған.



ҚҰРМЕТТІ ОҚЫРМАН!

Облыстық «Ortalyq Qazaqstan» газетіне 2025 жылға жазылу науқаны басталды. Газетке жазылуды «Қазпошта» АҚ пошта байланысының барлық бөлімшелерінде, сондай-ақ, Ермеков көшесі, 33 үй, 8-қабат мекенжайы бойынша редакцияда ресімдеуге болады

25 қазаннан 25 қараша аралығындағы жеңілдік тарифтері (жылдық жазылу шарты бойынша)

Санаттар	Жеткізуші	«Қазпошта» АҚ Қала (теңге)	«Қазпошта» АҚ Аудан/ауыл (теңге)
Кәсіпорындар мен ұйымдар үшін		19 454,88	10 397,20
Жеке жазылулар үшін	3492	6149,20	5 633,20

Анықтама телефоны:

☎ 41-26-85, 8-702-638-56-85, 8-705-902-04-05.

✉ E-mail: ot.del.pochtovyy@bk.ru

«ОРТАЛЫҚ ҚАЗАҚСТАН» ГАЗЕТИНЕ

Kaspi QR

АРҚЫЛЫ ЖАЗЫЛЫҢЫЗ



Жеке жазылушылар үшін

• БӘРЕКЕЛДІ!

Арқа абыройын асқақтатты

Балқаш қаласындағы әл-Фараби атындағы мектептің бастауыш сынып мұғалімі Айкүнім Қалқаман республикалық «Үздік сынып жетекшісі» байқауында III орынды иеленді.



Нүрлос КӘРІМ,
«Ortalyq Qazaqstan»

Балқаштық ұстаз Айкүнім Ерланқызы алдымен «Біртұтас тәрбие» бағдарламасы аясында ұйымдастырылған байқаудың қалалық іріктеу кезеңінде I орынды еншілеп, облыстық кезеңде де мықтылық танытып, I орын тұғырына көтерілген болатын. Соның ішінде облыстық кезеңге 300 педагог жолдама иеленген. Қорытынды республикалық кезеңде сынып жетекшілері ұстаздық қызметіне қатысты презентация ұсынып, кейіс сессиясында педагогикалық жағдаяттарды шебер талдау дағдысы сыналған. Бұл кезеңнен кейін байқауға қатысушылар шығармашылық жобаларын қорғады.

– Мен үшін бұл байқау білімді саралайтын сайыс болды. Байқаудың басты мақсаты – сынып жетекшілерінің әлеуметтік мәртебесін көтеріп, тәрбие жұмысындағы озық тәжірибесін кеңінен насихаттау. Осы байқау арқылы тәрбие жұмысының тиімді әдістері мен технологияларын анықтау және таратуы көздейтіндігін ұйымдастырушылар айтып өтті. Мен расымен де, байқаудың педагогикалық шеберлікті жетілдіру және сынып жетекшілерінің шығармашылық әлеуетін іске асыру, сондай-ақ, олардың әлеуметтік мәртебесін арттыруға мол мүмкіндік беретіндігіне көз жеткіздім. Республикадан алған жүлдемезді қараша айында тапсырады, – дейді Айкүнім Қалқаман.

Айта кетейік, бала жүрегіне жол тапқан ұстаз Айкүнім Ерланқызы – Балқаш қаласында дүниеге келген. С.Сейфуллин атындағы №7 мектеп-гимназиясының түлегі. Балқаш гуманитарлы-техникалық колледжін «Бастауыш сыныптарды оқыту» мамандығы бойынша қызыл дипломмен аяқтаған. Одан кейін Қарағанды қаласындағы Е.Бөкетов атындағы университетті тәмамдаған. 2015 жылдан Балқаш қаласындағы әл-Фараби атындағы жалпы білім беретін мектебінде бастауыш сынып мұғалімі болып жұмыс істейді. 2019-2023 жылдар аралығында аталмыш мектепте ғылыми іс жөніндегі директордың орынбасары болып қызмет атқарды.



Ұстаздарға арналған қосымша

• «БІРТҰТАС ТӘРБИЕ»

Білімдегі жаңашыл мазмұн

Қарағанды облысы елімізде бірінші болып, «SabiDamu виртуалды балабақшасы» онлайн-платформасының жұмысын бастайды. Бұл жоба балалары балабақшаға бармайтын ата-аналарға баланың дамуына ықпал ететін сапалы әдістемелік материалдарға қол жеткізуге мүмкіндік береді.

Жақында Қарағанды облысына жұмыс сапарымен келген Премьер-Министрдің орынбасары Тамара Дүйсенованың назарына бобекжайда ата-аналарға балаларын дамыту және тәрбиелеуге көмектесетін «SabiDamu» платформасы ұсынылды. Оның негізгі міндеттері – ерте даму скринингі және өзін-өзі диагностикалау.

– Біз жаңа платформа құрып жатырмыз. Бұл жоба балалары қандай да бір себептермен балабақшаларға бармайтын ата-аналарға арналған. Оларға баланы үйде қалай дамыту керектігі айтылады. Ата-аналар кез келген проблеманы анықтау үшін тест тапсырады. Оларды түзетуге логопедтер, дефектологтар, психологтар көмектеседі, – деді «Өрлеу» компаниясының басшысы Фарида Ақшопақова.

Платформада қазақ және орыс тілдерінде баланы дамытуға арналған мультфильмдер, түрлі тапсырма бар. Мектепке дайындық процесі онлайн форматта автоматтандырылады.

Кеңесте Тамара Дүйсенова білім беру жүйесіндегі сабақтастық мәселесін көтеріп, балалар мектепке өткенде күйзеліске түспей, оқу үдерісіне тез бейімделуі үшін мектепке дейінгі мекемелер мен бастауыш сыныптардың білім беру бағдарламаларын біріздендіру қажеттігін атап өтті. Маңызды рөл атқаратын дүние –



Сурет ашық дереккөзінен

баланың жеке даму картасы, оны ерте жастан бастап жүргізіп, кейін бастауыш мектепке тапсыру қажет.

Тамара Дүйсенова «Біртұтас тәрбие» бағдарламасы аясында балабақша тәрбиеленушінің шығармашылық қабілеттерін арттыру

және оларды елін, Отанын сүйетін, туған жерін қорғайтын патриот азамат болуға тәрбиелеу мақсатында ұйымдастырылған колөнер көрме жұмысымен танысты. Балалардың қызығушылығы мен бейімділігін болашақта мамандық таңдау үшін жасалған ма-

мандықтар әлемімен, робототехника кабинетіндегі «Smart Bala» жобасы аясындағы интерактивті ұлттық ойындарды бақылады.

Облыстың мемлекеттік және жекеменшік мектепке дейінгі ұйымдарының директорларымен вачерлік қаржыландыруды енгізу бойынша пилоттық жоба туралы Тараз қаласындағы №9 балабақша директоры Жанар Оспанова баяндады. Кездесуде мектепке дейінгі және мектептегі білім деңгейі арасындағы сабақтастық мәселелері туралы айтылды. Премьер-министрдің орынбасары Тамара Қасымқызы Қарағанды облысына жасаған жұмыс сапары барысында таныстырылған білім саласындағы жұмыстарға оң бағасын берді және нәтижелі жұмыс тіледі.

Шырын КЕНЖЕБЕК,
«Шаңырақ» бобекжайының директоры

• ЕРЛІК САБАҒЫ

Ерлік – ұрпаққа ұран

Приозерск гарнизонындағы Қарулы Күштер ардагерлері ұжымының ұйымдастыруымен Рейхстагқа Жеңіс Туын тіккен қазақ батыры, Халық Қаһарманы Рақымжан Қошқарбаевтың туғанына 100 жыл толуына орай, ерлік сабағы өтті. Ерлік сабағына Сарышаған кентінің жалпы білім беретін мектебінің 7 сыныптан 9 сыныпқа дейінгі оқушылары қатысты.

Нүрлос КӘРІМ,
«Ortalyq Qazaqstan»

Сабақ тақырыбы – «Жеңістің Туын желбіреткен – Рақымжан Қошқарбаев!». Ерлік сабағында қазақ жауынгерінің сұрапыл соғыс жылдарындағы ерлік ісіне аса жоғары мән берілді. Рақымжан Қошқарбаевтың соғыстан кейінгі жылдардағы Сарышаған кентінің іргетасын қалаудағы еңбек еткен жылдары пысықталды. Алғашқы болып сөз алған кент мектебі директорының тәрбие ісі жөніндегі орынбасары Айдана Сағадиева батырдың ерлігі туралы тоқталды. Сондай-ақ, заманауи интерактивтік тақта арқылы мектеп оқушыларына батырдың өмірі мен ерлік жолына арналып түсірілген «Рақымжан Қошқарбаев. Өмір жолы» деректі фильмі көрсетілді. Келесі кезекте сөз алған Приозерск гарнизонындағы Қарулы Күштер ардагерлері ұжымының төрағасы, Қазақстан Республикасы Қарулы Күштерінің ардагері Тілек Кенжебеков білім ошағында білім алып жүрген

оқушылар алдында Рейхстагқа Жеңіс Туын желбіреткен Рақымжан Қошқарбаевтың соғыстан кейінгі жылдары Сарышаған кентіндегі алғашқы құрылыс жұмыстарына қатысып, бірнеше нысандардың бой көтеруіне үлес қосқанын жеткізді.

– Біз Рақымжан Қошқарбаев есімін Ұлы Отан соғысындағы Жеңіс Туын тіккен қаһарман ретінде білгенімізбен, соғыстан кейінгі жылдары Сарышаған теміржол станциясының ашылуымен осындағы құрылыс жұмыстарында еңбек еткенін біреу білсе, біреу білмейді. 1949 жылы ең бірінші рет Сарышаған жеріне ат басын тіреу шағында мектепте бірге оқыған осындағы соғысқа дейінгі Балқаш қаласындағы фабрика- зауыт училищесінде бірге оқыған, өзімен бірге «Өмір жолы» деректі фильмі көрсетілді. Келесі кезекте сөз алған Приозерск гарнизонындағы Қарулы Күштер ардагерлері ұжымының төрағасы, Қазақстан Республикасы Қарулы Күштерінің ардагері Тілек Кенжебеков білім ошағында білім алып жүрген



Арнайы шақырылған мейман Сарышаған кентінің тумасы Жұмағали Құлмағамбетов оқушыларға өзінің студенттік жастық шағында мектепте бірге оқыған досы Мейрамқұл екеуінің Рақымжан Қошқарбаевты Алматы қаласына іздеп барғандарын әңгімелеп берді.

Әке аманатын орындау мақсатымен, екеуі Мейрамқұлдың әкесі Зәкен Бижабектің жазған хатты қаһарман қазақ батырының қолына жеткізеді. Хал-жағдай сұрасқан соң Рақымжан Қошқарбаев өзі

басқаратын «Алматы» қоңақ үйінің төріне отырғызып, екеуінен кезінде Сарышаған кентін салудағы бірге еңбек етіп, дәмдес болған байырғы таныс адамдарын сұрап біледі. Осы бір тағылымды іс-шарадан көп мағлұмат алған мектеп оқушылары Рейхстагқа Жеңіс Туын тіккен, Халық Қаһарманы Рақымжан Қошқарбаевтың өмірі мен ерлік жолынан үлгі алып, өнегелі тәрбие мен оқудағы жоғары сапалы көрсеткіштерімен биік белестерді бағындыра беретіндіктерін жеткізе білді.

• «ӘЛЕУМЕТТІК ӘМИЯН»

Жаңа стандарт әзірленді

Қазақстандағы білім беру ұйымдарындағы тамақтандыру сапасына күнделікті мониторинг жүргізу енгізілді.

Аялым СОВЕТ,
«Ortalyq Qazaqstan»

Оқу-ағарту министрі Ғани Бейсембаевтың айтуынша, биыл тиісті нормативтік-құқықтық талаптар күшейтілді. Атап айтқанда, білім беру ұйымдарындағы тамақтандыру стандарттары Дүниежүзілік денсаулық сақтау ұйымының ұсыныстарына сәйкес қайта қаралды. Бүгінде Денсаулық сақтау министрлігімен бірлесіп, білім беру ұйымдарында тамақтанудың жаңа стандарты әзірленді, оны 2025 жылдан бастап, қолданысқа енгізу жоспарлануда.

– Мектепке дейінгі және орта білім беру ұйымдарындағы тамақтандыру сапасын арттыру мақсатында күнделікті мониторинг енгізілді. Мектеп аспаздарының біліктілігіне, олардың білімі мен еңбек өтіліне қойылатын талаптар күшейтілді. Өнім берушілердің қызметін бастамас бұрын санитариялық-эпидемиологиялық қорытындысы болуы туралы шарт бекітілді. Сондай-ақ, ас блогына бейнебақылау орнату міндеттелді, – деді министр.

Сонымен қатар Ғани Бейсембаев «Әлеуметтік әмиян» жобасы аясында тегін тамақ алатын балаларды автоматтандырылған түрде есепке алу жұмыстары жүргізілуде екенін атап өтті.

Ақтоғай ауданы
Суретті түсірген
Думан ҚҰРМАНҒАЛИЕВ

